

سنه : ۳


۳۰ ايلول ۱۳۳۶

عدد : ۳۱



تاریخ وادستان

۱۳۳۶ هـ



برکون بیلنبر فیستی مجموعہء ملک اما
پاک چوق آرا ایراور تہدہ مجموعہء بولنیز

ایتدک شرف خدمت اجدادی فراموش
آثارینہ اسلافنک رغبت اولنیز

کزیده ، والد عثمانیادر ارطغرل
بز اوللا او شجاعتشعاره دك كيدرز
توجه ایلرز آندن ده بورسه شهرینه بز
حریم تربه عثمانده زاره دك كيدرز
سوروب جبینمزی خاك پاك اورخانه
دونوب مزار خداوندکاره دك كيدرز
زیارت ایلرز اندن جناب ییلدیریمی
او شهریار قوی اقتداره دك كيدرز
طواف ایدوب جلی خان محمدی ، صکره
مراد ثانی جنت قراره دك كيدرز
بتون مراقده شهادتگاه یوزسوره دك
فغان وناله بی اختیاره دك كيدرز
بو مآمنه روشله اوشهر زیباده
بتون مزار کبار وصغاره دك كيدرز
« امیری » ایلرز اندن ستانبوله عودت
سرای پادشه نامداره دك كيدرز
ایدوب دعاسنی « سلطان محمد » ك تکرار
حضور محتشم شهریاره دك كيدرز

اورفه دن کلن استادانه بلیغ تخمیسلردن

— مابعد —

مصحف حسنده دل بر نقطه رعنا آراز
ایشته اول بر نقطه نك اسرارینی دنیا آراز
صانع کیم اهل حقایق طور میوب یجا آراز

عارفان هر ذرده بيك قدرت مولی آرار
ميل صورت ايلر اما حكمت معنا آرار

بونه حكمتدر فناي بيلمش ايكن خاص وعام
هر كشي طول امل قيديله ايلر اهمام
اولمدی لىكن ميسر كيমেسه يه حل مرام
بی سکون دنياده تفتيش بقا بولمز ختام
دائما كشتي نشينان ساحل دريا آرار

سينم اوزره چكدي بر خط تيغ مژگان نكار
قالمدی نزد مده بر كلك هنرده اعتبار
زيور صدر مدر انجق شمدي شرح چاريار
نجه آل عبا اولمش چلنك افتخار
عاشقان ظن ايمه ارتق بشقه بر طغرا آرار

نشوه داران الستة نشئه وير من جام كل
باغبان كلشن توحيد ايدر می ميل مل
طوت قولاغك باق نه عالی سويليور استاد كل
اولقدر بولمش صفای كنچ وحدت كيم كوكل
دلبر باسندن بيله آثار استغنا آرار

حق پرستان محبت بيلمز اصلا خوف جان
ايسته آنكه چون تمنای وصال ايلر همان
كورسه بيك مانع دوزمی مطلبندن عاشقان
پایمال ايلر قلوب اهل حالی مقبلان
عارفان شمدي زمينده آيت كبرا آرار

كوردی دنياده عجب بويه شرير مكري كيم
آكلامق قابلمی بو آتش ضمير مكري كيم
هانكي سینه اولما مشدر داغكبر مكري كيم

اويله بر آهندلك اولدق اسير مكرى كيم
بيلمز انسانيتى هرشيده بر غوغا آرار

ظلم ايله مألوف اولان ظالملى ترهيب ايچون
مكر ايله مجبول اولان ماكرلى تعذيب ايچون
حاصلى هپ خيره، شر آدمى تقليب ايچون
فرقه فرعونيان عالمى تاديب ايچون
دست بي تابم عصاي معجز موسا آرار
منحرف ايلر مزاج كاملى چرخ عنيد
بر هواي مفسدت هر كون اولور . زيرا بديد
ياق نه حكمتدر هله « رمزي » بو بيت ناشيد
عنصر عالمدن اولمشدر « اميرى » نا اميد
بو عناصردن مبرا بشقه بر دنيا آرار

(فئه باغيه) حقنده وقيله سويلوب كچن نسخده مندرج بولنان
« ترجيع بند » عاجزانه مك مابعدى : [۱]

بوكون جهانده متين بريورك سلانيكدر
جهانده بشقه فلك يوق فلك سلانيكدر
مطاع اعظم انس وملك سلانيكدر
عيون حرمت ايچنده ببك سلانيكدر

[۱] « ۳۱ مارت هائله سنده بيلديز سراخي يغما ايدنلرك محكوميتى »
بوكره بالاده كي سرلوحه ايله غزته لرله نشر و اعلان ايدلمش اولان مسئله هم تاريخي،
همده غايت مهم بر وقعه هائله اولغله برابر، تاريخي اولان شو مجموعه منزله
وبالخاصه بو « ترجيع بند » منزله پك بيوك مناسبتى اولديغندن انشاالله كلهجك
نسخه لر منزله نشر ايدم جگيز .